

續行水金鑑

地710

2254-2

部三:27

續行水金鑑卷第五十一

淮水 原委一



淮水出河南南陽府桐柏縣西南之桐柏山

皇朝通志

淮水出河南南陽府桐柏縣西南桐柏山

山在縣西南九十里

一名大復山東南接湖廣德安府隨州界其南為太平嶺接連而東西接棗陽縣界大復胎簪皆桐柏之支峯也有淮井

水道提綱

東南流經湖北隨州北界

皇朝通志

東南流曲曲經湖廣隨州北界之出山司

水道提綱

又折而北經桐柏縣東折東流經信陽州北正陽縣南

羅山縣北有澗河自信陽州來會

皇朝通志

又折而北依翠屏山麓經桐柏縣城東始折東流曲

續行水金鑑卷五十一

淮水一

曲一百九十里經信陽州北境又九十里始出重山

有明港河自西北來會

明港河出信陽州西北境之同龍山東流經州北境至明

港驛北折而東南流至山麓與淮水會

東經正陽縣南羅山縣北有澗

河西南自州城東北流來會

澗河出州西南界山三源一出平喜關北流一

出東南一出其西者並會北流數十里折而東流經州城南又東北至五里店南折而北流又東北至羅山西北境北流入

淮水道提綱

澗水自湖北隨州流入信陽州南環抱州城又東北

至羅山縣界入淮舊志有黃土河在州西南七十里

即澗源也

大清一統志

經息縣南有小黃河自羅山縣來會

皇朝通志

又東經息縣南有小黃河西南自羅山縣城東北流

合竹竿河來注之

小黃河出羅山縣西南境武勝關之北靈山東北流百餘里經縣城

東南又東流數十里竹竿河自南來會竹竿河出九里關東操山北流百三十餘里竹竿鋪東又東北會小黃河東北流經濮公山西麓北入淮其口正對息縣水道提綱

小黃河在光州治前源出湖廣麻城縣分水嶺北流

合恨溝入淮

河南通志

竹竿河在羅山縣東北三十里源出窟壠山北流入

淮

河南通志

又東分二派合於光州西北

皇朝通志

息縣稍東水分二派一東南流有光山縣北水自西

南來會折東北流與一派之東北流折而東南者會

於光州西北分五十里復合也

光山水出縣西南山東北流經縣北又東

續行水金鑑卷五十一

淮水二

北至埠子口與淮水南派合又東北與北派合水道提綱

淮河在光山縣北九十里

河南通志

又東經固始縣西北有南汝水來會

皇朝通志

又東北百三十里經固始縣西北境汝水北自新蔡

西北合舞陽西平上蔡遂平確山汝寧諸水東南流

來會曰汝口

水道提綱

南汝水源出遂平縣西南境之洪山龍陂兩源即泌

陽北界山也

汝水舊從舞陽縣北而南入西平界自元末於渦河竭斷其流使東歸潁於是

西平雲莊諸石二山之水明時亦塞今水道與古全異即名稱亦隨時不同所謂濯瀕瀆汶溱淇亦難確鑿指証但據時俗所見敘次源流耳

山其山南之水皆流入泌

東流九十餘里至沙河店東南合東

北流六十餘里經遂平縣城南又東北五十里折東
南流經上蔡縣南境至汝寧府治汝陽縣北境有斗
河自西來注之又東折東南流經府城東北又東南
有小沙河西南自確山縣北來注之小沙河自確山縣西境山東流
經城北又東南流折而又東南有吳塞河西南自確
山縣西南境來注之吳塞河出泌陽縣東南境東流經天目山北東北流又曲折東
經確山縣南境山麓又東北經真陽縣北界又東南
府東南境入汝此水源長與南源北源相似
數十里折東流至新蔡縣之東南有洪河西北自西
平上蔡來會洪河出舞陽縣東南界之筆尖山東北流百餘里至西平縣城北折東南流經
上蔡縣東北折南流有朱里河西北自西平南境東
南流經上蔡南境來注之又南經府治東北境又東
南經新蔡縣城東北又南又東流經固始縣西北境
入汝自元以前即汝水

續行水金鑑卷五十一 淮水三

東入江南潁州界支流南入淮水道提綱

南有光山縣水來會皇朝通志

其南即光州南水西南合光山諸水東北流來會光州

水曰小黃河源出光山縣西南界山白沙關北三源北流數十里而合又北數十里折東北流經縣城南有一水自東來注之又東北分爲二派經光州城南又東北復合有小水曰白露河自西南來注之又東北有春河自南來注之又東北入淮其水口正對汝口汝口之北即潁州界水道提綱

自元末因汝水泛溢爲蔡害於舞陽塌斷故汝遂以
漁水及西平縣西諸山之水爲汝水上源縣志謂汝
源出舞陽縣黑龍泉下入八里河東至西平縣合水
鎮北與雲莊諸山水合流東經西平城北又至城東
十餘里分爲二一東南出會流堰河入汝陽縣界一

北出會周家泊水東入上蔡縣界明嘉靖中西平水
斷汝水祇上承遂平濯瀕諸水流繞府城而東下郡
人指流堰河及朱里河濯瀕為汝源又非雲莊舊流
蓋汝源凡三易矣大清一統志

又東北有曲河自商城縣史河自固始縣來會皇朝通志

淮水勢大盛即折東南流經老關巷南又折東北流

有曲河西南自商城縣來史河南自固始縣城合石

槽河來俱會曲河出商城縣西南湖廣麻城縣界東

北流入境經黃蘗山東北與史河俱入淮

城西北又東北經固始縣北又東北與史河俱入淮

史河出商城縣東南境始關子關北山東北與史河俱入淮

百餘里折西北流至固始縣東南有石槽河自南來

而北至固始南會史河又北經縣城東北流百餘里折

北經大山西麓又北百里與曲河俱入淮

曰三河

續行水金鑑卷五十一

淮水四

尖水道提綱今按河南省歸淮諸水歸德府陳梁
沙河自鹿邑縣入渦河下達江南亳州以入於淮
古谷水亦入渦河豐樂河自永城入江南境出濉河
以達洪澤湖刺河即茨河自鹿邑至江南潁州府由
潁河入淮灌水今謂之黑河入於刺河以達淮明河
棟溝河皆入淝河達淮陳州府之大澗水消水皆合
潁入淮南陽府之瀕水濰水汝寧府之潁水灑水溱
水慎水練水汶水汝州之扈澗水湛水皆合汝入淮
又汝寧之油水谷水光州之柴水申陂水青陂水決
水谷河則皆徑入於淮者也統計河南省與淮會者
共二百七十餘道

又東北入江南界經潁州府阜陽縣南南汝水支津來

會皇朝通志

又東北入江南界經潁州南境南照鎮汝水支津自

西來會水道提綱今按淮水合汝水東注固始縣

至朱臯鎮入江南阜陽縣境距潁州府城南
一百二十里又繞老觀港安舟岡等村至
南照集入潁上縣境其南岸皆霍邱縣境

東南流經霍邱縣北潁上縣南有澧河來會皇朝通志

乃東南流經霍邱縣北潁上縣南有澧河自西南來

注之 在霍邱西北 水道提綱

澧河霍邱縣西十里源自棗木河北流入淮潁州府志

又東南有淠河自霍山縣經六安州來會皇朝通志

又東南流有淠河南自霍山北流經六安州而北來

注之 淠河出霍山縣南潛山縣西北境山北流經天堂鎮西北有一水自西南來會又北有曼水河西自湖廣界山東北流經上土司南而東北合一水

東來注之又北經霍山縣城西又折東北流至石埠口有一水自東南來注之曰兩河口又北至蘇家

埠西折而東北流經六安州城西又東北出山北流經單家集東馬頭集西錢家集東又北至霍邱縣

東境有城河西南自下落山東北流來注之又有清河東南通芍陂水又北入淮 水道提綱 今按兩河口在霍邱縣南六十里

續行水金鑑卷五十一 淮水五

淠水卽泚水一名白沙河源出霍山縣南境北流經

縣西繞城而東又東北流經州城西又北入潁州府

霍邱縣界注淮水大清一統志

淠水在壽州西七十里源出霍山東經霍邱縣至州

境北流入淮方輿勝覽云淠有蛟害楚芊乙射之遂

絕江南通志 今按水在潁州府入淮者阜陽縣境則汝河谷河潁上縣境則沙河清河大澗河小澗

河霍邱縣境則史河澧河汝河東河沙河下接鳳陽府壽州境汝河達東河入淮

折東北經壽州西有沙河合汝水潁水來會皇朝通志

淮水折東北流經正陽關北壽州西境有沙河上承

伊陽汝州邾縣襄城之汝水登封禹州長葛許州臨

潁之潁水滎陽以東開封以南之賈魯河雙泊諸水

自西北來會曰潁口

水道提綱

淮水自州西南正陽關入壽境六十里至州城西北

入鳳臺境

壽州志

淮自桐柏縣至壽州東南流凡八百餘里自壽州西

南正陽關東北屈至魯家口入縣界

正陽關至此十五里城西南五十

十里南岸屬壽州北屬縣自此四十里至賀家淺直城西兩岸俱屬縣

淮自霍邱以上

其流未盛至壽州受兩沙河之水

土人以潁水為南沙河潁水為北沙河

至鳳臺又挾兩淝而浩瀚極矣數百里之來源挾

南北翼注之衆水而洩之以八十丈之硤石口其勢

不暢故每遇夏秋霖潦萬水俱匯則泛溢為害包岡

阜敗田疇壞房舍浸城郭往往而是

鳳臺縣志

續行水金鑑卷五十一

淮水六

澧水源出魯山縣西沒大嶺東流經縣南又東經寶

豐縣南又東入南陽府葉縣界亦名沙河漢書地理

志澧水出魯陽縣東北至定陵入汝按左傳僖公三

十三年楚救蔡與晉師夾泚而軍注泚水出魯陽縣

東經襄陵定陵入汝與漢志源流符合是泚水即澧

水也

大清一統志

沙河即古澧水俗曰沙水源出魯山縣西境之堯山

即伊陽南界山曰沒大嶺

東流合西南來之波水又東南經縣城

南又東有達老河西北來注之

魯山在縣東北河自山西麓東南流入沙

東經寶豐縣南境有小水自東北來注之

水自縣東南之香山

西南

又東南經葉縣北有昆水注之

縣北有昆陽關

又東南

流有輝河西自葉縣城南來東流注之又東經舞陽
縣東北境汝水西北自襄城來會又東南流至郟城
縣南曰大澗水其上流即故汝水也俗總稱為沙河
有濃河西自舞陽之北東流來會濃河亦曰澧河首
引舞陽西界魯山
南界裕州北境之三
里河水三里河本
南流入唐河
者於山中分其支津東流出山經葉縣南境舞陽北
境又東至郟城南與沙河會共行二百八十里按
元人竭斷故汝使東歸潁水過其南由舞陽以達西
平之路致汝寧府所名之汝水全非古之出天息山
者沙本入汝又得濃河自西南來會而東於是南北
汝水遂判然不相涉也東經城東南又東稍北曲曲流經上蔡
縣北界東至商水縣西北潁水自北來會俗曰沙河

口水道
提綱

汝水自河南府嵩縣東北流入伊陽縣界經縣南又

續行水金鑑卷五十一

淮水七

東經汝州城南又東南經寶豐縣北又東經郟縣南
又東南入許州襄城縣界大清
一統志

汝水源出嵩縣西南境南陽府北界山兩源南源曰

播鼓山東北流北源曰老君山東流播鼓山西南水
即南陽湍水之

源也老君山西即杏花山又
西即熊耳山伊水之源也數十里合而東北經嵩

縣南境之伏牛山北即古天息山也源至此已
百餘里又東

北百餘里經伊陽縣城南又東北五十里折而東南

流經汝州城南又東南有一水自北來注之又東南

經寶豐縣北境郟縣南境又東南經襄城縣城西南

又東南八十里沙河自葉縣來會源至此曲折
已六百里又

東南經舞陽東北境郟城縣城南會西來之濃河又

東北經上蔡縣北界東至商水縣西北會北來之潁

水自會沙水以上皆仍古道水道提綱

潁水源出登封縣北中岳嵩山西南之少室山南流

經城西有二水自西南來會一出玉塞山折東南流

山中經密縣南境又東南經禹州城北又東南分爲

二派一東北流經新鄭縣南界折而東南經長葛縣

西南又南經許州城東北又東南至臨潁縣東境其

南一支東南流曰石梁河經襄城縣東北界又東南

經許州城西南又東南經臨潁縣北境東南流與分

支復合凡二百三十里也又東南有渚河自西南來

會渚河出汝州東北境山在登封東南禹州西北水東南流山中經州南又東南經襄城縣北境又東

續行水金鑑卷五十一

淮水八

南經臨潁縣西南又東南入潁水又東流數十里折而南流於商水

縣西北會西來之汝水俗曰渚河口又東稍北至周

家口有滎陽東南諸水合爲一河自北來會水道提綱

北汝水與潁水沙水合者今入淮處曰潁口而經流

概名沙河水道提綱

三水既會於商水縣北折東南流至陳州府南界分

爲二派一支南流爲項城北沈邱南之過河一支東

南流爲沈邱北之沙河 過河自商水東南境南流

有支渠西達縣南境與西北來之汾河合其正流東

南經沈邱縣西北境汾河自西北來東南流經項城

縣城北而東會焉又東南經沈邱縣城西南又東南

入江南界經太和縣西境朝陽鎮沈邱集之南又東南至潁州城北其北支自北來會 沙河東南流至沈邱北境槐坊店南折東北流入江南太和縣西北境折東南流經界首鎮稅子鋪南甄橋集北舊縣集西又東南經縣城東南鎮至州北境之茨河埠有茨河自北來會又東南與過河會於州城北 又東折而南至八里塚西又東南經潁上縣城北又東南至正陽關之東北淮水自西南來會曰潁口 沙澗分流三百里復合實汝潁也俗於潁州而下概曰沙河沙河澗河之名彼此紛然以時俗稱呼相沿已久也 水道提綱今按澗 皇朝通志及各志均省作澗

續行水金鑑卷五十一

淮水九

潁州沙河在城東門外東南流入淮卽潁水也按唐會要云元和十一年置淮潁水運揚子等諸縣米自淮陰泝流至壽州西四十里入潁口又泝流至潁州沈邱界五百里至於項城又泝流五百里入於澗河三百里輸於鄆城得米五十萬石考之臨潁志云楮河在縣東南十五里卽潁潁水源出登封縣潁谷流經本縣東南至清水鎮入沙河達於淮鄆城志云澗江渡在縣西一里一百步卽沙河也是則沙河卽潁水明矣 江南通志

滎陽水出縣南境諸山 山脈自鞏縣汜水南界相連而東有無數小水北流合爲

一東北流經滎陽縣城東又北流十餘里折而東曰索河卽古京索地東經河南境有京河南自瓦而來會折東南流經鄭州北有東京河西南自山中

東北流合一水來會水勢始漸盛矣自汜水以東凡南岸諸山泉並無

北注大河者隔於河隄引流成渠自滎陽有索河北

流東折經河陰滎澤南境會南來之京河須河又東

經鄭州北會南來之東京河又東南會南來之磨河

卽古溱洧諸水今總名小賈魯河又東南有欒河自

南來會又東南經中牟縣北自此以下俗曰賈魯河

又東南至開封府西南境朱仙鎮之西十餘里折南流

經通許縣西境尉氏縣東境又南流折而東南至扶

溝縣北之李家潭西南有洧川縣雙泊河自西北來

注之雙泊河源出密縣南山東南流經禹州北境東

至新鄭縣城南稍東有黃水河西自山中東

南流經新鄭縣城東來會折而南流至長葛縣西北

境又東流經城北又東流經鄆陵縣北境又東南經

續行水金鑑卷五十一 淮水 十

扶溝縣城北東入賈魯河又東南八十里折而西南數十里又折

而東經西華縣北而東又南流九十里至周家口西

南潁汝自西南來會水道提綱

按元賈魯所開河在儀封縣黃陵岡南故道湮沒今

所云賈魯河卽宋時之蔡河故道府志云沙河一名

賈魯河又名小黃河受京須索鄭諸水經朱仙鎮呂

蒙潭至扶溝者是也大清一統志

惠濟河卽汲水也自中牟縣西十里鋪出賈魯河經

祥符陳留杞入歸德府睢州柘城至江南亳州下達

於淮乾隆六年 命查勘河道開濬兩岸 賜名惠

濟二十二年復挑濬深通永資利賴按河道舊在中

牟縣十五里堡二十六年因黃水漫溢淤成平陸二十七
年西十里堡改建滾水壩二十九年因壩底高出水面
河身淤塞不能分洩賈魯河之水改建石閘

大清一統志

惠濟河上承鹿邑賈魯灘自安家溜入境東流三十
里入渦卽今之兩河口乾隆二十三年奉文委桐城
縣縣丞高偉疏濬

亳州志

又東北有東肥河來會

皇朝通志

又東北有淝河自西北來會

水道提綱

又東北有芍陂沿河水來會

皇朝通志

又東北經壽州北有芍陂沿河水自東南來注之

芍陂

續行水金鑑卷五十一

淮水十一

塘在壽州東南周數十里其西南支津西南流合清
河西北入淝水其西北支津西北流曰沿河經州城
東北又西北經兩山入淮水道提綱

肥水在鳳臺縣北北自廬州府合肥縣界西北流入

至肥口北入淮俗曰東肥河

大清一統志

夏肥水任鳳臺縣西北自潁州府潁上縣界東南流

又東南入淮亦曰西肥水

大清一統志

淝河爾雅同出異歸曰肥後加水旁爲淝其在潁郡
者二一北淝河在蒙城縣渦水之北宿州龍山湖之
水也東流過懷遠縣入淮一西淝河漢書地理志所
謂夏淝水也自河南鹿邑之孟家橋入亳州境橋以
上西北來者爲練溝河直北來者爲清水河上流同

出於渦河而統會於孟家橋自橋以下始名淝東南
經太和之淝河口又東南經亳州之龍德寺阜陽之
苗家集潁上之金溝紆回曲折於潁郡之四邑而後
至鳳臺縣硤石口西入淮淝水滌繞處卽爲村疇居
人皆植柳積柴養魚方言謂之魚滬卽詩潛有多魚
之潛也水不能直流漸致淤塞雨潦輒泛溢爲患乾
隆十三年發帑疏濬並將通於淝河之宋塘河通於
宋塘河之茨河及北淝河茨河一並深通卽以土積
兩岸築隄禦水沿河之水患始平又有東淝河不在
潁州境發源合肥縣之紫蓬山分水嶺西北流二百
里繞壽州城北西至八公山下入淮潁州府志

續行水金鑑卷五十一

淮水 十三

淮東北流至城西北肥水合衆水自東南來入之謂
之兩河口卽東肥河至壽唐關西經烟籠山下屈而西
七里至硤石口屈而北夏肥水合衆水自西北來入
之卽西肥河乃北出兩硤間謂之硤石過硤石一里曰新
河口左合夏肥水支津殺硤石之湍流也鳳臺縣志

又東北有廬州府北水來會皇朝通志

又東北有水東南自廬州府北來注之水二源出六安州東南龍

穴山一出大尖山皆東北流經官亭鎮西曲曲出山
經廬州府西北境二百餘里而合北流經伊家集東
又北至北鑪鎮南有清洛澗水東北自定遠來會又
西北流百餘里經兩山又西北入淮水道提綱
又東北經懷遠縣城南有天河自南來注之水道提綱
濠水今謂之天河出鳳陽縣歷山西之雙尖山猴尖

山謂之大澗 按濠水之源方志皆無確言之者今特就目驗者悉之大抵源之大者惟大澗其遠者則十里溝溝水出歷山之北西北流五里而合三澗二澗水俱出歷山西合流後又北流三里而合十里溝又西北流八里過胡家橋而水始大白大澗以東皆鳳陽境也又西北會金家澗其下流則皆在縣境矣

懷遠縣志

天下名勝志懷遠縣入淮之水自渦而外有天河洛河等凡十二所

按此則天河之名自明已然 懷遠縣志

懷遠縣志又有洱河在縣西六十里亦自蒙城縣流入至縣南歐村入淮

大清一統志

續行水金鑑卷五十一

淮水 三

洱河源出鳳臺縣西北境之王家集曲折東行九十餘里會黑濠河之水至縣境之七步嘴入湯魚湖湖水東行十四里至尹家溝折而南行一里注於淮

按洱河入淮在洛河之上

懷遠縣志

洛水自廬州府合肥縣界北流入經定遠縣西九十里與壽州接界謂之接澗水又北流至懷遠縣西南七十里入淮又謂之洛澗

大清一統志

洛水在懷遠縣南七十里自定遠之清洛澗流經壽州至縣境入淮亦曰洛澗注淮處曰洛口

江南通志

洛河源出定遠西境之莫邪山西南行三十餘里其流始大折而北行二十餘里至北鑪橋鎮又北流七

里而入縣境懷遠縣志

沙水在懷遠縣西南十里自潁州府蒙城縣流入經

荆山之麓南入淮俗曰沙河亦曰芟河又名黃河大清一統志

大清一統志

芟河在蒙城縣南五十里源自潁上諸湖回繞邑境

東注於淮江南通志

欠河在城東南八十里首受清游湖水東南流經花

溝集公雞寺至甄橋寺入蒙城縣界東南流入淮案

水經注言沙水分為二水其北流者至譙城側入渦

矣其東南流者有章水矣於章水下又云一水東注

俗謂之欠水其卽此欠河歟亳州志

續行水金鑑卷五十一 淮水 古

欠水亦曰芟河經蒙城縣棗木橋入境河之南為蒙

城鳳臺境 按欠水見水經注乃沙水正流而古志

書無及之者蓋沙水分支歧出者多遂致迷謬懷遠縣志

經懷遠縣南有渦河亦名西肥河自河南太康縣鹿邑

縣經江南亳州分二支一經太和縣潁上縣至壽州來

會一經柘城縣鹿邑縣過亳州蒙城縣懷遠縣來會

皇朝通志

又東北有過河自西北來注之此過河與前淝河由

出河南太康縣東南流數十里一支南流二十餘

里又分二支俱東南流七十里經鹿邑縣南境又東

南入江西南界經亳州南境又分為二一東北至州東

南之義門集西東會過河北派俗曰十字河是也一

又東南流經太和縣北境又東南經潁州北境曰淝河

又東南流經潁上縣北境至壽州西境入淮一支自

太康東流經柘城縣南境分爲二派南派東南經鹿
邑北折東北流北派至柘城東南有舊黃河起睢州
西北東南南流合西來州南一渠又東南折而南經歸
德府西南境南經柘城東境又南來會此過河之上
源也又東南與南一支復合而東經鹿邑東北境入
江南界東南經亳州城北折東南流至儀門集南支
有支津曰十字河自西南來會又東南流曰過河至
雒河壘北有雒河自北來會又東南經蒙城縣城北
又東南經懷遠縣北又東南入淮
雒河上源曰澮河 水道提綱

渦水卽蔡水分流自太康縣北東南流經淮寧東北
入歸德府柘城縣界 渦水自陳州府太康縣流入

經柘城縣南又東經鹿邑縣北又東入江南亳州界

渦水自河南鹿邑縣流入經亳州北又東經蒙城

縣北又東入鳳陽府懷遠縣界三國魏黃初六年以

舟師自譙循渦入淮 渦水俗曰渦河在懷遠縣北

續行水金鑑卷五十一

淮水 五

一里自潁州府蒙城縣流入又東入淮謂之渦口 大

清一
統志

蒙城縣渦水自亳州東流入縣西境經狼山過禮城

至縣城北二里又東出懷遠縣渦口至荆山口入淮

渦河爾雅曰渦爲洵郭景純注大水溢出別爲小

水也本作過省文爲渦義取旋流也源於豫省通許

縣南至太康鹿邑睢州之舊黃河繞柘城而來會焉

東流入亳州境又東南遠蒙城過懷遠入淮許氏說

文以爲出狼湯渠水經注陰溝始亂狼湯終別於沙

而過水出焉過水受沙於扶溝縣漢志爲狼湯南曰

狼湯北曰浚儀卽汴河也今汴河不通渦河考元大

德間黃河泛溢自通許分流一支由陳州合潁一支分渦河則通許而上必有流可通故引黃而南注也至賈魯疏汴自朱仙鎮至周家口合於潁水渦河與汴河遂各爲一支明正統十三年河決滎澤又經陳留入渦口宏治二年命侍郎白昂導河由渦入淮六年平江伯陳銳鑿孫家渡及賈魯河至朱仙鎮經扶溝通許潁壽諸州邑合渦入淮正德四年侍郎崔巖濬孫家渡引水達渦以殺水勢八年侍郎趙璜疏亳州河渠崇禎十五年河決入渦終明之世渦時爲黃所奪 國朝順治元年黃河復故道嗣後沿河隄防歲加修築亳州蒙城之間黃流始絕而渦河遂爲安

續行水金鑑卷五十一

淮水 六

流 潁州府志

渦河上自河南省鹿邑縣入州境懷家溜東流經城北北門又東經釣魚臺又東南經白龍王廟至雉河集草橋出州境入蒙城縣界在境內一百四十五里

按渦水之源出於陰溝陰溝源出於河之濟陰溝又首受大河則渦水本與河通又自鹿邑賈家灘至

州兩河口亦係黃流故道

亳州志

渦河自蒙城縣之雙澗集 古潁陽城也 南行十七里至宜

村集又東行四里而入縣境

懷遠縣志

又東北有北肥河自宿州來會

皇朝通志

又東北有肥河自西北來注之 肥河自宿州西境兩渠會東南流二百六

十餘里入淮
水道提綱

北淝河在蒙城縣北三十里東流入鳳陽府懷遠縣界
北淝水源出宿州西南龍山湖與潁州府蒙城縣接界處東南流經懷遠縣北十里入於淮
按水經注淝水本入渦而今水自入淮蓋其流變矣清一

統志

北肥河自蒙城之烏家集南古瑕城也東南至小瓦埠集

東而入縣境至沫河口入淮懷遠縣志

又東有龍子河自鳳陽府鳳陽縣來會皇朝通志

又東至長淮衛小蚌埠之南有龍子河自西南來注

之龍子河二源出鳳陽西山中合北流入淮水道提綱

續行水金鑑卷五十一 淮水 七

又東經鳳陽府北皇朝通志

折東北至衛城北折東南流經鳳陽府城外北境稍

東有濠水自南來注之水出府城東南山北流經府城東北山入淮水道提綱

東濠水在鳳陽縣東北二十里匯縣界之西濠水南

濠水入於淮 按東濠水凡三源其出於陽亭北者

元和志府志皆云出濠塘上其一與西濠同出鳳陽

縣之莫邪山東流至昇高橋入東濠水縣志亦謂之

西濠水其一出鳳陽縣之離山東流與諸山之水會

於射子口入東濠水縣志亦謂之南濠水又按舊志

臨淮縣初為東西二城東濠水自縣西南入城自縣

東北出城入淮所謂經小城而北者也宋時連南夫

作守決濠水自城西徑入於淮今水道復淤改由新

石橋入淮

大清一統志 今按水至鳳陽府入淮

泗河濕泥河黑濠河懷遠縣境則密河天河西濠河英河渦河北泥河解河鳳陽縣境則龍子河西濠河東濠河石燕湖花園湖下接五河縣境泥與汭音同濕泥河當即汭河之訛

又經五河縣南有澮河水自河南永城縣分支經宿州

來會

皇朝通志

經臨淮縣城北又東北流至小溪口西折而北經五

河縣南境有南湖水自西北來注之又東北至縣城

南澮河水自西北來注之

澮河自河南永城縣西南境舊鄴縣城西北之渾河

集東南流經舊城西又東南至縣南境分為二派其南派西南流入江南界經亳州東南境為雒河至雒河集入澮河又東南經蒙城北又東南至懷遠東入淮其一北派東流入宿州西北境東南流經南平集

續行水金鑑卷五十一

淮水六

北宿州南境又東南經固鎮驛南又東南有澮河自西來會澮河自宿州南境東南為長湖又曲曲東南流歧為二派又東流復合東北流入澮河澮河水道提綱又東南流至五河縣城西南入淮

漢書地理志沛郡浹侯國垓下高祖破項羽應劭曰

浹水所出南入淮後漢書郡國志沛國浹有垓下聚

蓋卽西漢浹夷侯周舍之所封

見漢書王子侯表

東漢許慎

為浹長之所治也

見後漢書儒林傳

江南通志載浹水在靈

璧縣東南入於淮循名考實靈璧南鄉無所謂浹水

者今案水經注究其源委乃知古之浹卽今之澮也

酈注言浹水首受蘄水於蘄縣東南流逕穀陽縣又

東南流於浹縣故城北縣有垓下聚漢高祖破項羽

所在也浹水又東南入於淮通志云蘄縣在宿州南

四十里秦置陳勝起兵於蕲大澤鄉卽此又云穀陽故城在靈璧西南七十五里漢置縣又云連城舊縣在靈璧縣南魏收志穀陽郡首領連城縣齊周時廢據此諸說今宿州南蕲縣集卽古之蕲縣也靈璧固鎮南土城卽古之穀陽城也魏收地形志穀陽郡治穀陽城太和中置鎮穀與固北音相近固鎮當是穀鎮之誤而靈璧舊志謂固鎮卽固陵考史記高帝紀晉灼及師古注皆以固陵爲固始漢地志屬淮陽國今屬河南光州固鎮東南連城集卽古之連城縣也澮河從蕲縣集東南流七十里至固鎮土城北又三十里至連城集北又十五里至濠岡濠岡當是浚岡其地高阜正臨澮河南岸地名與水道如合符節則澮之爲浚也無疑矣獨其所謂浚縣故城者

續行水金鑑卷五十一

淮水九

未知所在通志載浚縣故城在靈璧縣南五十里又引魏收志云穀陽郡連城縣有濠城卽漢浚縣地遂以今之濠城集爲漢浚縣故城誤矣酈注言浚水東南流至浚縣故城北則浚城在汶水之南可知今濠城集在澮河北四十餘里與酈注旣不相應且以浚城與垓下并而爲一亦與漢志浚有垓下聚一句文意不相似也今之濠城集卽古之垓下聚是無疑也漢志言浚有垓下聚水經注亦言縣有垓下聚玩有字之意則垓下與浚城自是兩地不得并而爲一也且今濠城集四面並無土城惟東北有土臺高丈許周圍不過一里竊疑今連城集北有兩其非浚縣故城益可知已土城相比正在澮河南岸其東南濠岡亦北臨澮河連城則有城可據濠岡則因浚得名所謂浚縣故城

二者或居其一大抵淮北州縣每當割據之世城郭

邱墟人烟斷絕兵燹而後文獻無徵以譌傳譌相沿

失實卽如淩在淮北濠在淮南濠水有二源並在今鳳陽縣南山中東源

在濠塘山西源出莫邪山至昇高橋合流東至臨淮縣城西有石絕水謂之濠梁卽莊子觀魚處北流入

淮雖相隔祇此一淮而水之源流判然各別何乃南

北相混以淩為濠穢史已然無怪後世矣魏收地形志連城縣

有濠城濩水濠卽淩也濩卽澮也收北人此地南北邊界考之弗詳耳又按張文端河

防志云澮河源出河南永城縣馬腸河東流經宿州

過靈璧固鎮橋至五河縣南入淮此據鳳陽府志也

所謂馬腸河者蓋卽蘄水上流淩首受蘄蘄首受睢

永城睢河久淤故蘄無所受然志載宿州以下澮河

續行水金鑑卷五十一

淮水 三

之源流與水經注淩水無異安得謂其有兩水平哉

夫淩之譌為濠也聲之似也猶濡水之譌為灤漢志

肥如縣濡水南入海陽師古曰濡音乃邳水之譌為

汭也淩之變為澮也義之通也交與會一義康熙字

也猶黑水之變為瀘禹貢錐指云梁州之黑水漢時

盧橋之類皆訓黑劉熙釋名土黑曰盧漢中山盧奴

縣有黑水酈道元云水黑曰盧不流曰奴尤盧水為

黑水之引葭水之變為長蘆也鄉縣故城南又東引

切證也石門謂之長蘆水蓋變引葭之名也按長字之義與

卽葭耳 雅俗異音古今異趣也 澮河自固鎮以

下寬二三十丈深二三丈不等境內河道之最通暢

者上至蘄縣寬深減半再上至永城境淺窄不能過

舟矣明萬歷間河決單縣之黃堍口歷久不塞復決其
上流蕭家口全河奔潰南下繇澮河趨固鎮入淮
今澮河兩岸高難中有沙洲數處皆黃水經過所致
父老猶有知其故者每歲夏秋水發淮漲於下則澮
漲於上固鎮橋面水深三四尺河灣窪地被淹下流
順河集一帶漸進五河口淮水倒灌受害尤甚然無
法可治惟俟其消退而已

靈璧縣志

澮河在縣治南門外源出河南歸德府永城縣馬長
河東流經宿州過靈璧縣固鎮橋至縣南入於淮舊
在縣治南一里兩岸陡峻嘉靖二十二年水漲沙淤
徙於北澮

五河縣志

續行水金鑑卷五十一

淮水 三

鳳陽府志澮河源出宿州之仁義鄉東流經靈璧縣
入淮

通志

今境內澮河西自宿州界之喬家莊東至

周家渡又東至新馬橋東入於澮不見其入淮也考
張文端河防志凡淮河南北之水之入淮者雖小必
錄亦並無澮水入淮之文蓋府志誤也河身久淤夏
秋雨集水面寬二三里至新馬橋匯爲巨浸風濤相
激舟渡甚險蓋澮水入澮澮漲則澮不能消若冬春
之間固可褰裳而涉耳

靈璧縣志

宋咸淳置五河縣以澮澮滎潼四水合派於淮故名

五河縣志

又東有沱河自羊城湖來會

皇朝通志

於城東南有沱河自北經城東來會

沱河自虹縣北境羊城湖南流

曲曲東南分為二派夾縣城東西至南復合又南至五河縣北境東南為沱河又至東南於城東入淮

水道提綱

沱河自鳳陽府靈璧縣流入至五河縣西北合澮水

入淮

大清一統志

沱河在靈璧縣流至五河縣西北合澮水東入於淮

江南通志

沱河在縣治北二里源出宿州紫蘆湖經靈璧縣東

南至縣西北合澮水東入於淮

五河縣志

分二支一東北為潼河一東流復合

皇朝通志

淮水東北分為二派一東北為天井湖南北五十餘

續行水金鑑卷五十一

淮水 三

里其東南為二支渠曰潼河一東流至朱家莊北與

二渠復合

水道提綱

潼水在州西俗曰南潼河縣志南潼河源出羊城湖

環縣西門東南流經五河縣入淮有響水潭潼汴合

流於此

大清一統志

潼河在五河縣治東三十里源自虹縣通沱河經天

井湖南至鐵鎖嶺入淮

江南通志

潼河在縣治東三十里源出虹鄉羊城湖通沱河經

天井湖南至鐵鎖嶺入淮北至虹鄉石磯子亦入淮

五河縣志

天井湖在五河縣東北二十里與州治界

江南通志

天井湖在縣治東北二十里源出舊虹羊城湖經界溝集石蠟子南匯於湖西即天井岡傍武家莊前有井南為淺湖北為深湖二水相連均為天井湖西與沱河通東為鐵鎖嶺屬泗州地東西長十三里南北約九里湖水向從東南鐵鎖嶺巉石山麓由峯山湖東入淮今湖口淤塞南灣玢嶺衝開一口水直至浮山脚下入淮五河縣志

漂河在縣治南三里是南湖東流入淮處昔年低凹南大壩即坐其上黃水淤後地轉高平湖水出入俱行黃家溝而漂河無跡矣五河縣志今案漂河及南湖二水均於嘉慶年間淤塞

續行水金鑑卷五十一

淮水三

有池河自定遠來會皇朝通志

又東北為女山湖至雙溝鎮西折而南流有一水西南自上店鎮來注之又南六十餘里有池河西南自定遠來注之池河源出定遠縣西北喜羊山南流折東南經縣城西南又東流百數十里至池河驛北折東北流經三界鎮北又東北有澗溪自東南來注之折西北流百餘里入淮水道提綱

池水在定遠縣東南六十里自廬州府巢縣流入東北入泗州界大清一統志

池河在州東北西自鳳陽府定遠縣流入大清一統志

池河在盱眙縣西自定遠縣界流入北注於淮江南通志

又東經盱眙縣北泗州南皇朝通志

淮水又折東流五十里南岸迤東尚有小山經盱眙縣城北泗

州城南淮水自五河縣以下廣闊同黃河至盱眙縣北更闊十餘里為洪澤湖首泗州宛在水中四面皆水盱眙與南北相望但隔一渠其西南及縣東南尚有小山耳水道提綱

淮水自鳳陽府鳳陽縣流入經五河縣東南又東經州南與盱眙縣分界又東北入淮安府清河縣界

清一統志

東北匯為洪澤湖

皇朝通志

自泗州東北為洪澤湖有老子山在湖口

當泗州之東近南岸

水道提綱

洪澤湖在山陽縣西南九十里洪澤鎮西長八十里淮河匯入其中毗連清河桃源與泗州盱眙境相接湖之東岸即高家堰為兩河之關鍵宋史神宗紀熙

續行水金鑑卷五十一

淮水

寧四年開洪澤湖達於淮又馬仲甫為發運使自淮陰經泗上浮長淮風波覆舟歲罹其患仲甫建議鑿洪澤渠六十里漕者便之漕運考洪澤湖在山陽西南九十里自東北而西南迤邐滂湃於山清桃泗天長高寶之間此湖往代三之二皆民田自黃河潰決全淮壅注不得暢流入海漫衍四及遂為淮鳳間一巨浸其中猶有洪澤村寥寥民居數十浮沈於洪濤之中而已其廣袤約數百里西北隄曰歸仁所以障黃河睢河及靈芝諸湖水之北入東南堰曰高堰以障淮流之東出務使之全注清口以匯黃入海也

清一統志

洪澤湖在山陽縣界合泥墩諸湖爲一上承鳳泗諸水達清口會黃河入海又引入運河濟漕注於江

乾隆四年奏准洪澤湖發源桐柏淮泗及七十二谿等處間歲冬春河臣會委大員將河形水勢通塞衰旺以及分支合流可引可截各情事詳細勘明豫爲

酌定

大清一統志

洪澤湖在府西界山陽清河桃源盱眙四縣本名洪澤鎮當淮水下流左右有數十湖匯而爲一土人統名曰洪澤湖泗州城陷於其中其東南爲淮揚兩郡高堰之設所以障此水也

江南通志

洪澤湖治西南九十里山陽清河泗州盱眙四界相

續行水金鑑卷五十一

淮水 三

連本古淮浦縣地淮水經其旁當未成湖時爲洪澤鎮自淮陰達濠泗之官路也有洪澤館士大夫停驂之驛舍也有洪澤村洪澤橋市廛商旅所輻輳也東北通富陵湖卽古富陵縣後漢書稱於明帝時淪爲麻湖南通白水塘有三堰以障水護田堰不治則洪澤沿淮受害宋魏勝守淮運糧至此出閘元初置洪澤屯田萬戶府引塘水以灌民田明初因之自白水塘不修水無所制匯成洪澤湖民田盡付汪洋又自元迄明黃河往往潰決入淮久之遂成巨浸於是會萬家湖泥墩湖富陵湖總爲一湖幾與雲夢澤相埒西風一吼波撼長隄故高家堰迤南最爲險工漕

糧運道所關淮揚民命所係而田之沈廢又無論也
康熙初年間湖水壞堰東趨潰清水潭淹沒七州縣
後雖高堰加築建減水壩以殺其漲使正流仍出清
口然黃屢決入湖並受黃河減壩之水湖身墊高丈
餘又豫省祥符七邑之水導引入湖湖非昔日之湖
而水日增况黃淮有時並漲清口宣洩不及則高堰
危自清水潭決後繼此而潰者古溝凡四茆家圩一
夏家橋一唐埂壩一善平張檢討之言曰黃淮强弱
不定終難保其無事必俟河淮分流清口永無倒灌
方能復當年之舊也

山陽縣志

康熙十二年泗州知州李德燿修城及隄其後淮湖

續行水金鑑卷五十一

淮水 三

泛漲隄不能支城遂淪陷寄治於盱眙山

江南通志今案據

河渠紀聞淮水西壅壞泗州城在康熙十九年迨乾隆四十二年巡撫閔鶚元奏裁鳳陽府虹縣以泗州移治之初改名泗虹州旋復舊名

湖之西北有濰河自碭山蕭縣宿州靈璧睢寧來注之

皇朝通志今案一統志水道提綱河南通志江南通志等書濰河俱省作睢惟此加水旁今皆仍原書舊之

其西北有睢河自碭山蕭縣宿州靈璧睢寧東南流

注之

湖自泗州之北迤東折而北有管公店前水東流注之又折而西北至鮑家集東又西北乃折而東而東南為睢河口睢河自碭山縣南境東南流入河南永城縣界東南經蕭縣西境曰龍溝河又東南有齊村河自東北來會齊村河出徐州府西北蕭縣北境黃河南岸大山兩源南流合西南流至蕭縣東南山下為小湖又西南流東匯二泉水又西流合南一小水又西入睢河蕭縣之西南境也睢河又南

流至餘溪口有小水自西山來注之又東南經宿州北境有一水自西來注之又東南經靈璧縣北境又東南經虹縣北境睢寧縣南境青陽驛南又東南百里入洪澤湖自睢口而東南五十餘里南與老子山相對湖南北徑五十里自此而東北南北益廣遂至徑百六十餘里矣水道提綱

睢水故汴水東流也自陳留東至杞縣北又東入歸德府睢州界寰宇記睢水在陳留縣東南五里其後開通濟渠而此渠廢乾隆二十二年修濬河南河道大加挑濬遄流無阻大清一統志

睢水在陳留縣東北四十里又名隄河 睢水在睢州北一十一里州之得名以此按睢水在梁郡受汴入泗漢軍為楚所擠睢水為之不流此即其上流也夏邑縣南二十里有睢水經永城縣合沙白水達於

續行水金鑑卷五十一

淮水 三

宿州河南通志

睢水在宿州北二十里自河南夏邑縣白河經州之符離會泗入淮其上流之支為瞿溝亦曰曲溝案黃

河自宋元以後奪泗達淮皆為河茲猶言會泗入淮乃沿舊志之誤 睢水在府南六

十里自蕭縣流入境又東接宿州界江南通志

禹貢曰淮沮會岡南河志曰睢水出陳留縣西狼湯

渠東北流又東經杞縣北又東經寧陵縣南又東經商邱縣城南又東經蕭縣南又東經宿州北又東經靈璧縣東南流入於泗按泗為黃河所奪睢水舊由宿遷縣小河口入黃今淤塞由孟山等湖出歸仁隄

達洪澤湖河防志

睢河俗稱小河亦稱行河屬靈璧境內者上自霸王城西宿州界下至板橋睢寧縣界約長七十餘里中間陵子里以上至宿州徐溪口河形尚在徐溪口以上久已淤成平陸陵子里以下至宿遷歸仁隄一片湖泊不見涯涘蓋久矣今之睢水非復古之睢水矣古之睢水來源甚少而下流甚暢今之睢水來源愈多而下流愈澀何以明其然也古者徐豫間岡原陂澤之水分流於汴泗汴水引河其初未有隄也睢特汴之支流耳自漢修汴渠隋開通濟於是隄以防之宋以後黃水入泗衝突為患又隄以防之向者汴泗所受之水悉為橫絕蓄無所畢湊於睢而睢乃大

續行水金鑑卷五十一

淮水

矣明白昂濬歸德飲馬池而下劉大夏濬祥符四府營而下引黃入睢是時所濬猶是睢河故道本朝靳文襄公治

河於南岸建閘壩九座減洩黃水匯於靈璧五湖流清而停濁是時徐溪口以上久經淤塞靳公於閘壩下各開引河入睢上游置不講矣則

睢又分黃之委而睢更大矣古者睢河至靈璧由孟山後東趨小河口才百里耳而宿遷境內尚有白洋

河朱家溝周家溝胡家溝俱係宣洩埽子諸湖入泗之路小河一口不足以洩睢之漲則賴此以分之故

其流暢雖大不為害明萬歷間河決單縣之黃垆口數年不塞總河楊一魁言歸仁

之北有白洋河朱家溝周家溝胡家溝小河口洩入運河勢如建瓴可見當時睢河諸水入泗之路不專恃小河也康熙中張文端公治河向議開胡家溝引睢水入黃因其地亢故改至老隄頭詳見河防志

明季河決睢寧孟山以東睢河之故道悉淤楊疇陵

子等里瀦而爲湖

今楊疇陵子諸湖皆明時有糧之

糧民不堪命鄒平馬驢宰是於是睢水漫溢於靈虹

睢宿之境然其下游仍由小河口白洋河而入黃也

迨至歸仁決而睢水南睢水南而黃水入宿境河溝

悉爲淤墊睢水不得不常假道於歸仁以趨洪澤矣

夫導水之法取道宜直不宜紆宜近不宜遠孟山之

至歸仁也百里而遙歸仁之至洪澤也又百里而遙

其道里已倍於小河口且睢出小河口則以泗爲壑

也至洪澤則不得以淮爲壑也何也夏秋暴漲之時

淮旣挾汝潁肥渦濠池諸大川以匯於洪澤而東則

續行水金鑑卷五十一

淮水 三

障於高堰北則束於清口方且震盪衝激於其中而

不得逞而睢適當其怒勢不能與淮抗衡而出故睢

之以淮爲壑者在清口之外而不在清口之內則其

去孟山也四百里而遙且朱家海決口而宿虹諸湖

飽矣烏鴉嶺之砂礪聚於歸仁集如門限矣夫睢合

豫徐岡原陂澤及黃河之水行千里入淮而一阻於

歸仁再阻於清口靈壁安得不病或曰睢之害宿州

以下並受之奚獨靈壁然靈較他州縣尤窪故治河

者以爲水櫃宿居上游睢河之寬深過於靈壁愈下

愈窄愈窄愈淺宿州又隄其兩岸東西百餘里束水

歸靈至靈而散漫四出匯爲巨浸其又甚則南至汴

堧北至河隄洞庭波濤之險起於平陸此宿虹諸邑所未有也故特詳其原委如左 漢書地理志陳留

郡浚儀縣下云睢水首受狼湯渠東至取慮入泗浚儀

縣今開封府祥符縣取慮音秋盧今徐州府宿遷縣水經注睢水出陳留縣

西狼湯渠東流至下相縣故城南又東南入泗謂之

睢口陳留縣西即祥符也下相故城在宿遷縣今一統志睢水汴水之

支流也今自河南陳留縣東北與汴河分流經永城

縣南而入徐州碭山縣界下流至邳州宿遷縣東南

而會於泗謂之睢口亦曰小河口以睢水亦兼小河

之名也 河南通志開封府下云睢水在陳留縣東

北四十里東流經杞睢寧陵達於徐又歸德府下云

續行水金鑑卷五十一

淮水

睢水在夏邑縣南二里經永城縣合沙白二水達於

宿州沙水即蔡河也源出狼湯渠睢河上源亦名白河此二河今淤鄭元慶小谷

口會葛云歸德府商邱縣南有古睢水自寧陵縣流

入東入夏邑界今湮其曰穀水者即睢水也江南通志云睢

水東出者曰穀水南出者曰斡水鳳陽府志睢水在宿州北二十

里源出河南夏邑縣白河經州境東流至清河縣會

泗入淮明嘉靖間御史戴金言黃河入淮之道有三其一自小鬪經歸德城南飲馬池至文家集

經夏邑至宿遷曰白河則睢河兼白河之名由來久矣按府志修於康熙二十三年曰源出夏邑紀其近

也彼時小河口已塞睢水過歸仁集入淮故曰至清河縣但不應仍言會泗耳睢寧縣志

睢水自宿州靈璧東流而下入睢寧界歷孟山潼郡

二里名並屬靈璧睢志誤也至子仙鎮經塌頭過廟灣繞縣治後

再東抵高作耿車

兩地名

而盡於小河口入黃河自天

啟二年崇禎二年黃河衝決淤為平陸故道遂湮今

小河自孟山東下歷縣治南界由找溝而東南入祠

堂湖口俗之所謂小河者即昔睢水也 鮑斐英治

河說曰睢水受商邱寧陵永城夏邑豐碭宿靈虹無

源之水從宿遷白洋河小河口入黃前人防其入淮

築歸仁隄以捍之順治時河決入小河口而白洋河

入黃之道遂淤靳文襄公開民便開導之入淮淮不

能容而旁洩六壩遂為高寶興泰七邑之災張文端

公建安仁利仁諸閘束水入黃去白洋河小河口僅

數里地勢高仰不能入河今莫若相形勢開引河使

續行水金鑑卷五十一

淮水三

永遠入黃水小則助淮出清口以刷黃水大則清口

以上淮不能刷沙睢為之刷是謂助淮刷黃之法

靈璧

縣志

睢水在宿遷縣南十里俗名小河自睢寧縣流入境

至此合於黃河謂之小河口明萬歷初河臣潘季馴

於縣南築歸仁隄以束睢水湖水並由小河口入黃

河以護高堰縣志其水易淺狹故名小河順治十六

年黃決沙淤遂為平陸

徐州府志

睢水在縣南五十里縣東南有徐溪口睢水由永城

縣流經此又東南入蕭縣界明嘉靖中自徐溪至永

城俱成平陸

楊山縣志

今案睢河分為南北二股相沿即以南北二股名不復稱河之本

名更有以天然開下洩水河亦名北股河者不知開
河下水昔南流自徐溪口入睢乾隆八年後因形勢
不便將尾閘改由大山頭折而東南至高皇山出彭
家溝入睢迨睢河由徐溪口下分為二股開下河亦
由大山頭下入北股河是開下洩水入北股睢河非
天然開河上游均可稱北股河也又毛城鋪下洩水
河本名洪河自壩下達徐溪口入睢洪自洪睢自睢
後並稱為洪睢河漸致混淆今更以洪河為洪睢河
皆誤也嘉慶七年後毛城鋪停止啟放二十年吹於
十八里屯建滾水壩減黃漲水入天然開河達於睢
河所謂洪河者又淤成平陸矣

其西北為桃源縣境南岸迤東北為高家堰皇朝通志

自睢口東南折而西北六七十里又折而東其嘴正

東南東徑高家堰百七十里而東北經桃源縣南境有小水四自

北來注之自桃源南至南岸自老子山南岸迤東北

百五十餘里為高家堰水道提綱

續行水金鑑卷五十一 淮水三

高家堰城西南四十里漢廣陵太守陳登築是時廣陵太守

治射陽三國志注登曾任典農校尉乃巡土地之宜盡

灌溉之利堰宜是時所築宋史李孟傳孟傳為楚

州司戶參軍修復陳公塘有灌溉之利陳公塘即高

家堰也自韓信城五里至青墩二十里至武家墩又

南至管家莊堰西為阜陵泥墩諸湖湖西為淮本不

相通當日築堰以利灌溉非以捍水患也自河與淮

合河淮並高於淮水東浸諸湖并而為一洪水直

抵堰下衝蕩激射堰始危險加高增厚屹若長城明

世堰圯七邑罹災隆慶六年漕撫王宗沐知府陳文

燭始議修築郡人丁侍郎士美為文記之 國朝康

熙初又決二十二年靳輔大加修治歷數十年不壞
雍正八年發帑金百萬重修高廣堅固防守倍嚴山
縣志今案高堰臨湖大隄明季建石無多康熙三十九年總河張鵬翮題建石工自武家墩至唐埂共七千二百餘丈雍正七年發帑金一百萬兩令總河孔毓珣協理河務尹繼善加修石工一律高堅為久遠計始於八年十月至十年六月總河嵇曾筠題報堰盱石工告成乾隆十六年總河高斌請將堰盱土隄一律幫寬十丈二十二年後至嘉慶十四年又歷次改建甄石工臨湖並無土隄矣

康熙四十二年

命於山盱汛建南北中滾水石壩三座其天然北壩一座仍前設立至乾隆十六年復命增二壩以前三壩為仁義禮新增二壩為智信定為五壩并

續行水金鑑卷五十一

淮水三

欽定開放機宜必俟湖水十分漲盛始於仁義禮三壩酌開一壩以次相度情形酌開俟仁義禮三壩過水三尺五寸則開智壩水勢不減乃次及於信其天然壩立石永禁開放揚州府新志今按嘉慶十五年復兩江總督百齡總河黎世序因奏請於蔣家壩南山坡之地創挑仁義禮三河改築滾壩一如舊制將舊壩三處補築土石隄工其洩下之水仍由舊壩引河匯入高寶湖

乾隆七年六七月大雨河淮漲溢淮決高堰之古溝

千里渺然巨浸郡屬田禾沈没人畜漂溺無算淮安府志

今案乾隆五十九年七月因風暴掣卸堰盱石工總河蘭第錫奏聞旋命尚書慶桂侍郎韓鏞履勘估修應加應拆各工並因禹王廟及侯二門兩處石堰挺入湖心甚屬緊要請於隄後圈築越堰以作重門保障於六十年三月告竣今侯二門越隄一道在高堰廳十堡長隄後

北界為清河縣境為全湖之委

皇朝通志

其北岸即清河縣南之御壩始為全湖之委

水道提綱

北流至清口黃河自西來會

皇朝通志

北流至清口黃河西自清河縣城南來會

水道提綱今案清

河縣今改治河南則來會處在縣治西北凡舊籍稱清河城南者皆視此

淮河在清河縣南自泗州流入匯為洪澤湖至縣西

南清口黃河自西北來會之又折東北經山陽安東

阜寧三縣境入於海其下流今通謂之黃河樂史太

平寰宇記淮水在淮陰縣西二百步又漢志云至淮

陵入海淮陵故城在今盱眙西北八十五里此地計

距海甚遙淮何得於縣界入海淮陵乃淮陰之訛也

續行水金鑑卷五十一

淮水

清河縣志淮水自盱眙縣龜山益折而北又二十餘

里而洪澤阜陵泥墩萬家諸湖環匯於東岸又東北

至縣東南五里為運河口折而北五里合大河為黃

淮交會之衝河自北而來河身比淮為高故易以遏

淮淮自西而來淮之勢比清江浦又高故易以嚙運

病淮必至於病運者莫如河禦黃即所以利運者莫

如淮黃運兩河之樞機實皆自淮操之

大清一統志

與河合東北流東分支渠南為運道

水道提綱今案明平江伯陳

瑄鑿清江浦河通淮達黃以通漕運其運口在三里溝百餘年後為黃所淤乃別開三里新河移運口萬

歷六年潘季馴為總河遷運口於甘羅城南然距黃

淮交會處不過二百餘丈阻塞時告康熙十年以天

如閘塞乃於清河縣東腰鋪界內支河之達張福口

者疏浚通舟十九年總河靳輔又移於爛泥淺之上

乾隆二年總河高斌又移於舊口南與三汭河相接以避黃納清運口之南向有引河七道上承洪湖來源下至運口外張家莊前會流三分入口濟運七分東注敵黃今天賜引河及爛泥淺引河均久已淤閉惟存引河五道曰張福口引河張家莊引河天然引河裴家場引河太平引河而全河關鍵尤在束清禦黃二壩創於康熙戊寅距引河尾四百二十餘丈重建於雍正癸卯至乾隆丙申已亥乙巳屢次移建初皆為東西二壩乙巳之後始定以運口外之兜水壩為束清壩而移東西壩於福神庵前為禦黃壩迨嘉慶年間先後增築新禦黃壩禦黃二壩又建重壩以資擊束皆詳見於後

東北並流入於海

皇朝通志

東北經清江浦淮安府山陽縣阜寧縣北境安東縣南境又東北經北沙鎮北又東北至雲梯關入於海

水道提綱

淮肇源桐柏經信陽羅山息縣光州新蔡固始霍邱

續行水金鑑卷五十一

淮水

挾豫皖上游山水至正陽關與汝水合又經壽州與肥水合歷懷遠臨淮與渦水合至五河與潼滎沱澮合始由浮山礮石之間入泗州境過盱眙下至龜山北匯歸洪澤湖與睢汴二水合又經古淮陰縣西出清口歷山陽安東雲梯關歸海淮固自有淮之道未嘗與河合流也邱濬曰周以前河勢自西而東而北漢以後河勢自西而北而東宋以後則自西而東而南矣據此則舊志所稱自朱仙鎮而東南經留城趨徐邳挾洗沂直下乃元明以來河入海之道故淮運兩河從清口來與河會而河遂與淮同趨斷自有明始河防志云漢元光河溢入淮宋太平興國八年咸

平三年天禧三年熙寧十年河凡四入淮然旋復故道淮自淮而黃自黃也元泰定初河始離故道南與淮合然亦時有通阻自賈魯力捍入淮而河不復北明洪武四年河決原武南由項潁至壽州正陽鎮全入於淮正統十三年河決滎陽北衝張秋入海南至懷遠東北入淮又泗州舊志云 國朝康熙五年河決歸仁隄水勢衝突直逼泗境與高堰平此河決入淮之本末也而其淤清口則自明隆慶始考隆慶六年河水漲挾沙闌入清口逼淮水不得直下沙隨波停清口淤塞所謂門限沙者是也後運口亦淤梗運道者數年萬歷二十三年河大溢清口久淤淮倒灌

泗城至 國朝康熙十九年城竟淪陷三十八年五月淫雨黃淮交漲潰高堰澱清口淮水東注高寶運河隄岸多壞此黃奪淮趨病淮卽以病運之端委也淮雖挾七十二山河之水到海不及二千里其源短河來自萬里控引百川其源長則強短則弱其勢常虞不敵明之治河也疏濬塞兼用之始未嘗不善而後陵夷也故清口通塞不常及隆萬之際大壞總河潘季馴謂河未易以人力導惟以水治水則導河卽所以濬海也治淮卽所以導河也故築高堰諸決口而淮遂出久之復壞楊一魁主分黃導淮之說而淮亦出久之愈壞康熙三十年至四十二年大司馬

遂寧張公秉承

廟算總理河務築高堰閉六壩闢清口開七引河凡所
為揚清抑濁者視季馴加密而淮遂大出此蓄淮所
以刷黃濟運之由來也

五河縣志

續行水金鑑卷五十一

淮水
三

續行水金鑑卷五十一終

